

Adeegyada La Heli Karo ee Dhalinyarada & Dhallinyarada Kurayda ee qaba Naafonimada Horumarineed

*Wax badan oo isbeddel ah ayaa kugu soo wajahan
kolka aad ka gudbeyso adeegyada dugsiga una
gudbeyso adeegyada dadka waaweyn.*

*Hagahaan ayaa kaa caawin doona cida ay
tahay inaad la xariirto iyo waxa aad rajayni
doonto.*

NEBRASKA

Good Life. Great Mission.

DEPT. OF HEALTH AND HUMAN SERVICES

*Dugsigaaga, Nebraska VR (Dib-u-Habaynta Shaqada), iyo DHHS – Waaxda
Naafonimada Horumarineed (DDD) waxay si wadajir ah uga shaqeeyaan sidii ay
kuugu caawin lahaayeen inaad hesho shaqo, kordhiso madax-bannaanida, iyo inaad si
fudud u gasho bulshadaada.*

DULMARKA HAY'ADEED

Macallimiinta dugsiga sare, Nebraska VR, iyo Waaxda Naafonimada Horumarineed (DDD) waxay si wadajir ah uga shaqeeyaan sidii ay kuugu caawin lahaayeen inaad hesho shaqo, kordhiso madax-bannaanida, iyo inaad marin u hesho bulshadaada. Haddii waalidkaa ogolaansho bixiyo, dugsigaagu wuxuu casuumi karaa Nebraska VR iyo/ama DDD kulamadaada si ay kaaga caawiyaan dejinta qorshahaaga ka gudbida.

Arday ahaan oo da'daadu u dhaxayso 14 ilaa 21 sano, waa inaad adeegsanaysaa kheyraadka dugsigaaga iyo Nebraska VR. Kadib marka aad dhamaysato dugsiga sare, Nebraska VR ayaa sii wadi kartaa inay adiga kula shaqeeyso.

Marka aad u qalanto adeegyada kharash-ka dhaafida, DDD waxay ku siin doontaa maalgelin ku saleysan baahiyahaaga. Adeegyada kharash-ka dhaafida ee shaqada iyo hawlaha kale ee maaliintii ayaa la heli karaa marka aad gaarto 21 sano jir, kadib marka sannadka dugsiyeedku dhammaado.

Hagahaan ayaa sharaxaya sida aad uga heli doonto adeega dugsigaaga. Kadibna wuxuu isbarbardhigayaa adeegyada ay bixiyaan Nebraska VR iyo DDD.



Dugsga

Waxaad xaq u leedahay adeegyo waxbarasho oo gaar ah iyo maamuus marba hadaad tahay curyaan oo aad u baahantahay waxbarasho gaar ah. Tani ayaa la heli karaa ilaa aad ka qalanjabinayso, ama ilaa dhammaadka sannadka dugsiyeedka marka aad gaarto 21 sano.



Nebraska VR (Dib-u-Habaynta Shaqada / Tababarka Shaqada)

Nebraska VR waxay taageero u fidisaa ardayda naafada ah si ay u helaan adeegyo kahor u gudbidda shaqada, taasoo ka caawinaysa inay sahamiyaan fursadaha shaqo ee dunida ka jiraan. Nebraska VR waxay sidoo kale taageertaa dadka naafada ah inay isu diyaariyaan shaqo, shaqo helaan, oo sii hayaan shaqada iyagoo la sii shaqaynaya ganacsiyada si ay u qortaana, u tababaraan, uguna sii hayaan shaqaalaha naafada ah.



DHHS – Waaxda Naafonimada Horumarineed (DHHS-DDD)

DHHS – Waaxda Naafonimada Horumarineed (DDD) waxay bixisaa maalgelin iyo kormeer ku saabsan adeegyada kharash-ka dhaafida ee Medicaid lagu bixiyo guriga iyo bulshada. Kuwaani ayaa la heli karaa marka aad buuxiso shuruudaha u-qalmitaanka iyo heerka daryeelka. Ujeeddadu waa in lagu caawiyo si aad u noolaato adigoo madax-bannaan oo bulshadaada qayb uga noqda. Marka aad noqoto 21 sano jir, shaqo helistu waxay noqotaa mid si gaar ah loo sii xoogeeyo.

TUSMADA MAWDUUCYADA

<i>Miyaan u baahanahay mas'uul?</i>	2
<i>Waa maxay adeegyada aan heli karo?</i>	3
<i>Sidee ayaan u codsadaa?</i>	4
<i>Halkee ayaan la heli karaa adeegyada?</i>	5
<i>Waa maxay shuruudaha u qalmitaanka adeega?</i>	6
<i>Sidee ayaa loo go'aamiyaa shuruudaha u qalmitaanka?</i>	7
<i>Ma waxay tahay inaan sugu adeeguuda?</i>	7
<i>Maxaa dhici karaa hadii aanan u qalmin adeegyada?</i>	8
<i>Maxaa dhacaya haddii aan go'aansado inaan ka qayb qaadan?</i>	8
<i>Maxaa dhacaaya inta lagu jiro sanad dugsiyeedka sare?</i>	9
<i>Maxaa dhacaya kolka aan ka baxo dugsiga?</i>	10
<i>Sidee yoolalka loo go'aamiyaa?</i>	11
<i>Sidee ayaan u qorsheeyaa adeegyadayda?</i>	12
<i>Waa maxay waxa kale ee ay tahay inaan codsado?</i>	13
<i>Xiriirada Hay'adda</i>	14

MIYAAN U BAAHANAHAY MAS'UUL?

Dugsiga: Waalidkaaga ama qofka sharci ahaan masuulka kaa ah waa inuu kaa caawiyo sameynta qorshahaaga waxbarasho (IEP) ilaa aad noqoto 21 sano jir, inkastoo aad 19 sano jirtay oo (loo arko qof qaangaar ah).

Nebraska VR	DDD
Haddii aad ka yar tahay 19 sano ama aad leedahay IEP, waa in waalidkaaga ama qofka sharci ahaan lagu kalsoon yahay saxiixo dhammaan waraaqaha, oo ay ku jiraan foomka ogolaanshaha iyo sii-deynta adeegyada kahor u gudbidda shaqo.	Uma baahnid mas'uul sharci ah si aad u hesho adeegyo.

Waxaa laga yaabaa inaad doorato taageero fudud oo aan xannibnayn, tusaale ahaan qof kaa caawiya qaadashada go'aannada ama qof aad u magacaabato wakiil sharci (POA) wixii ah go'aanada arrimaha caafimaadka ama lacagta.

Haddii adiga ama waalidka ay qabaan su'aalo ku saabsan taageerada go'aan qaadashada, wakiil sharci (POA), ama qof mas'uul sharci ahaan lagu sameeyo, hay'adaha hoos ku qoran ayaa idin caawin kara:

- [Arc of Nebraska](#) 402-475-4407
- [Disability Rights of Nebraska](#) 800-422-6691
- [League of Human Dignity](#) 402-441-7871
- [Office of Public Guardian](#) 402-471-2862
- [PTI \(Parent Training & Instruction\)](#) 800-284-8520

Barashada Eraybixinta:

Waxaa jira erayo kala duwan oo loo adeegsado qorshahaaga qoran iyadoo ku xiran cidda bixisa adeegyadaada. Kooxo dadka ku taageera oo ku adeega ayaa qorshe kasta kula sameeya adiga. Qorshayaasha waxaa lagu qoraa inta lagu jiro kulamada.

Barnaamijka Waxbarashada Shaqsiga ah (IEP): Qorshaha dugsiga ee yoolalka waxbarasho iyo adeegyada gaarka ah. Waxaa ka mid ah yoolalka waxbarasho ee sanadlaha ah iyo yoolalka kadib marka aad qalinjabiso. Yoolalka waxaa ka mid noqon kara halka aad rabto inaad ka shaqeyso, waxa aad u baahan doonto inaad barato, iyo halka aad rabto inaad ku noolaato. IEP-gaagu waxaa ka mid ah waxbarasho gaar ah, dejinno, iyo hawlo kaa caawinaya inaad gaarto yoolalkaaga.

Qorshaha Shaqo ee Shaqsiga ah (IPE): Qorshaha Nebraska VR ee shaqo. Waxaa ka mid ah deegyo kaa caawinaya inaad gaarto yoolalkaaga.

Qorshaha Shaqsiga-ku-salaysan (PCP): Qorshaha DDD ee yoolalka shaqsiga ah. Waxaa ka mid noqon kara ka qaybgalka bulshada, xirfadaha nolol maalmeedka, kuwo shaqeed, iyo hawlaha firaqada.

WAA MAXAY ADEEGYADA AAN HELI KARO?

Dugsiga: Adeegyada waxbarashada gaarka ah iyo taageerada aad hesho waxay ku xiran yihiin yoolalkaaga IEP ee sanad walba iyo qorshahaaga nolosha marka aad ka baxdo dugsiga sare. Tani waxa ay ka mid tahay halka aad rabto inaad ka shaqeyso, waxa aad u baahan tahay inaad barato, iyo halka aad rabto inaad ku noolaato. Inta aad dugsiga joogto, adeegyada waxaa ka mid noqon kara casharro gaar ah, adeegyo la xiriira (sida daaweynta), tignoolajiyada kaalmada, maamuus hoyi, qorsheynta u gudbidda, fursadaha waxbarasho ee ku dhisan shaqada, iyo xirfadaha nolosha madax-bannaan tababarka. Haddii danahaaga ama xirfadahaagu is beddelaan, yoolalkaaga iyo adeegyada lagu qorsheeyayna way is beddeli karaan.

Nebraska VR	DDD
Adeegyada waxaa loo heli karaa dhammaan ardayda naafada ah ee da'doodu u dhaxayso 14 ilaa 21 sano.	Adeegyada waxaa lagu saleeyaa baahiyahaaga la aqoonsaday iyo qorshahaaga qoraalka ah. Adeegyada kharash ka dhaafida waxaa bixiya Medicaid, sidaas darteed waa inaad haysataa Medicaid.
Adeegyada Kahor U Gudbidda Shaqo waxaa ka mid ah: ◆ sahminta shaqooyinka ◆ tababarka diyaarinta goobta shaqada ◆ tababarka iyo latalinta waxbarashada kadib dugsiga sare ◆ waxbarashada ku saleysan shaqada ◆ casharro ku saabsan is-difaacidda. Nebraska VR wuxuu ka qayb geli karaa kulamadaada IEP.	Marka la go'aamiyo in aad u qalanto: ◆ Waxaad heli doontaa Isu-duwaha Adeegga kaas oo kaa caawin doona helitaanka iyo qorsheynta adeegyada kharash ka dhaafida. ◆ Adeegyada guryaha waxaa laguugu siin karaa gurigaaga si ay kaaga caawiyaan xirfadaha nolol maalmeedka, isla markaana ay kaaga taageeraan inaad bulshadaada gasho. ◆ Tignoolajiyada kaalmada, wax ka beddelka guriga iyo gaadhiga, iyo nidaamyada jawaabta degdegga ah ee shaqsiga ah (PERS) waa la heli karaa marka loo baahdo.
Haddii adeegyo si gaar ah loo habeeyey loo baahdo waxaad codsan kartaa adeegyada VR ee dadka waaweyn si aad adeegyo u hesho kadib marka aad gaarto 21 sano oo aadan dugsiga sii joogin.	Marka aad noqoto 21 sano jir oo sannadka dugsiga dhammaado, waxaa lagu siin karaa adeegyo maalmeed kaa caawinaya inaad shaqada sii haysato, tabaruc sameeyso, ama barato xirfado cusub oo shaqada lagu baahan yahay.
Adeegyada VR ee dadka waaweyn waxaa ka mid noqon kara: ◆ Adiga iyo lataliyahaaga waxaad garwaaq sataan xooggaaga, awoodahaaga, danahaaga, xirfadaha aad leedahay, iyo baahiyahaaga. ◆ Yoolka shaqadaada ayaa la aqoonsaday. ◆ Adeegyada iyo agabka loo baahan yahay si loo gaaro yoolkaaga ayaa ah kuwo la aqoonsado. ◆ Nebraska VR wuxuu ka qayb geli karaa kulamadaada IEP.	◆ Isu-duwahaaga Adeegga (SC) ayaa kaa caawin doona go'aaminta adeegyada aad u baahan tahay, qorista qorshahaaga, iyo kormeeridda adeegyada lagu siiyo. ◆ Adeegyada waxaa bixin doona hay'ad ama bixiyeyaal madax banaan. Isu-duwahaaga Adeegga (SC) ayaa kaa caawin doona inaad hesho hay'ad, ama wuxuu kaa caawin karaa qof aad taqaan inuu isku diiwaangeliyo sidii bixiye madax-bannaan.

SIDEE AYAAN U CODSADAA?

Dugsiga: U-qalmitaanka Adeegyada Waxbarashada Gaarka ah macnaheedu ma aha in laguu dammaanad qaaday inaad sidoo kale u qalmi doonto adeegyada Nebraska VR ama DDD.

Nebraska VR	DDD
Buuxi Foomka Ogolaanshaha iyo Fasaxa Adeegyada Kahor U Gudbidda Shaqo, kaas oo laga heli karo dugsigaaga ama Isu-duwaha Adeegyada Kahor U Gudbidda Shaqo ee loo qoondeeyay dugsigaaga.	Waxaad codsi ku gudbin kartaa onleen adigoo booqanaya: iServe.nebraska.gov ama waxaad ka codsan kartaa codsi waraaq ah: ◆ Xafiis kasta oo DHHS-DDD ah oo ku yaalla Nebraska. ◆ Adoo soo wacaya (877) 667-6266.
Waxaad sidoo kale la xiriiri kartaa Xafiiska Adeegyada Nebraska VR si aad u hesho caawimaad: www.vr.nebraska.gov/offices	Haddii aad u baahan tahay kaalmo si aad u buuxiso arjiga, waxaad booqan kartaa xafiiska DHHS ee degaankaaga.
Marka aad codsaneyso adeegyada DDD, DDD waxay ka dalban doontaa dugsigaaga saddexda warbixin ee ugu dambeysay ee kooxda Multidisciplinary Team (MDT). Warbixinaha MDT waxay aad ugu faa'iido badan yihiin marka ay ku jiraan macluumaad ku saabsan Qiimaynta Garaadka, Qiimaynta La-qabsiga, Aragtiyada, iyo xaaladda Autism Spectrum. Warbixintu waa in uu buuxiyaa oo saxiixaa xirfadle aqoon iyo shahaado u leh.	

Xoga ileedyada DDD:

Qof kasta ayaa codsan kara foomka lagu go'aaminayo u-qalmitaanka adeegyada DDD.

Bogga U-qalmitaanka DDD wuxuu leeyahay macluumaad ku saabsan habka ugu faa'iidada badan ee lagu qoro natijjooyinka qiimaynta ee MDT. Waxaad rabtaa inaad dugsigaaga u gudbiso [Macluumaad loogu talagalay Nafsi-yagaannada Dugsiga](#).

Buug-yaraha **"Ready, Set, Go!"** wuxuu sharxayaa adeegyada laga heli karo DDD.

Buug-yaraha **"U Gudbidda Adeegyada Waxbarashada una Gudbidda Adeegyada Dadka Waaweyn"** wuxuu ka kooban yahay jaantusyo habraac ah oo muujinaya sida loogu gudbo adeegyada kharash ka dhaafida ee dadka waaweyn.

"Talooyin loogu talagalay Macallimiinta" wuxuu ka kooban yahay macluumaad ka caawinaya macallinkaaga inuu fahmo adeegyada kharash-ka dhaafida, oo ay ku jiraan liis qiimaynno ah oo dugsiga samayn karo si loo caawiyo u-qalmitaanka adeegyada kharash-ka dhaafida, iyo talo celin ah in lagu casuumo SC-gaaga kulamada IEP.

HALKEE AYAAN LA HELI KARAA ADEEGYADA?

Dugsiga: Waxaad heli doontaa IEP iyo adeegyo waxbarasho oo gaar ah haddii naafonimadaadu si weyn u saamayso barashadaada dugsiga. Ma sii heli doontid adeegyada waxbarashada gaarka ah goorta aad qalinjabiso ama aad gaarto 22 sano ka hor inta aanu bilaaban sannadka xiga ee dugsiiyadeeda.

Nebraska VR	DDD
Adeegyada waxaa loo heli karaa dhammaan ardayda naafada ah ee da'doodu u dhaxayso 14 ilaa 21 sano.	U qalmitaanka adeega ayaa lagu go'aamin karaa da'aad kasta.
Marka Foomka Ogolaanshaha iyo Fasaxa Adeegyada Kahor U Gudbidda Shaqo ay saxiixaan waalid ama wakiil sharci ahaan loo oggol yahay, ardayda naafada ah waxay bilaaban inay la shaqeeyaan Nebraska VR.	Waa inaad codsidaa adeegyada kharash ka dhaafida goorta aad u baahantahay. Qiimayn ayaa lagu go'aamin doonaa sida ay adeegyadu u buuxin lahaayeen baahiyaahaaga adigoo laguugu caawinaayo heerka guri amaba mid bulsho.
Marka adeegyo si gaar ah loo habeeey loo baahdo, waxaad ka codsan kartaa adeegyada VR. www.vr.nebraska.gov/offices	Marka aad gaarto 21 sano oo aad ka qalinjabiso dugsiga sare, adeegyada maalintii waa la heli karaa si ay kaaga caawiyaan inaad shaqada sii haysato, tabarucdo, ama aad sii kordhisato xirfadaha lagama maarmaanka u ah inaad ku biiroto suuqa shaqada.

Ila xogeedyada Nebraska VR:

Nebraska VR ee Ardayda: Adeegyo loogu talagalay ardayda raadinaysa shaqo.

Hagaha Iskaashiga Adeegyada Kala-guurka: Buug loogu talagalay macallimiinta qorsheeya adeegyada VR ee ardayda.

Dhabaha Shaqo Helista: Adeegyo loogu talagalay ardayda ka hor inta aysan shaqo bilaabin.

Nebraska VR ee Dadka Waaweyn: Adeegyo loogu talagalay dadka waaweyn ee shaqo raadinay.

WAA MAXAY SHURUUDAHA U QALMITAANKA ADEEGA?

Dugsi: Si aad u hesho waxbarasho gaar ah waa inaad leedahay naafo si weyn u saameysa barashadaada, xirfadahaaga, iyo awoodahaaga. Kooxdaada IEP (macallimiinta, waalidiinta, iyo kuwa kale ee kula shaqeeya) waxay dib u eegaan yoolalkaaga iyo horumarka aad sameyneyso, kadibna waxay go'aamiyaan haddii aad weli u baahan tahay waxbarasho gaar ah.

Nebraska VR	DDD
Adeegyada waxaa loo heli karaa dhammaan ardayda naafada ah ee da'doodu u dhaxayso 14 ilaa 21, kuwaas oo ku jira barnaamij waxbarasho leh Foomka Ogolaanshaha iyo Fasaxa Adeegyada Kahor U Gudbidda Shaqo oo la saxiixay.	Waa inaad buuxisaa qeexidda naafonimada horumarineed ee ku cad sharciyada Nebraska (Neb.). Rev. Stat. 83-1205.
Indho la'aanta ama aragga daciifka ah ma noqon karaan naafonimada ugu weyn.	Naafonimada laguma tixgelin karo haddii kaliya ay sabab u tahay xanuunka dhimirka.
Nebraska VR waxay kaashataa dugsigaaga iyo waalidkaaga si ay xog u ururiyaan. Tani waxaa ka mid noqon karaan xogta waxbarashada gaarka ah ama diiwanada caafimaadka.	Naafonimada waa inay kugu bilaabantaa ka hor 22 sano jir, waana in ay noqotaa mid cimrigaaga oo dhan sii socon doonta.
	Naafonimadaadu waa inay keentaa xaddidaad weyn oo ku saabsan meelahan soo socda: - Xirfadaha fikradeed: luqadda, akhris-qoris, lacag, waqti, tirooyin, is-hagid. - Xirfadaha bulshada: sida la falgalka dadka kale, masuuliyadda bulshada, kalsoonida nafta, fudayd lagu qaldo, feejignaanta, xalinta dhibaatooyinka bulsho, raacista xeerarka, iyo ka fogaanshaha in lagugu xadgudbo. - Xirfadaha nolol maalmeedka: sida hawlaha maaliineedka, is-daryeelkaaga, xirfadaha shaqada, caafimaadka, dhaq-dhaqaaqa, iyo awoodda aad ugu noolaato si madax-bannaan.
	DDD waxay la shaqeysaa adiga iyo waalidka si loo ururiyo macluumaad. - Kuwaani waxaa ka mid ah diiwaanada waxbarasho iyo mida caafimaadba. - Waa in ay jirtaa dukumeenti caddeynaya ogaanshaha cudurkaaga.
	Waa inaad buuxisaa shuruudaha Heerka Daryeelka ee Xarunta Daryeelka Dhexe ee loogu talagalay Dadka qaba Naafonimada Garaadka (ICF/IID), marka hore iyo sanad kasta mar.

SIDEE AYAA LOO GO'AAMIYAA SHURUUDAHA U QALMITAANKA?

Dugsi: Saddexdii sanoba mar, macallimiintaada iyo shaqaalaha kale ee dugsigu waxay ururiyaan macluumaad ku saabsan sida naafonimadaadu u saamaynayso barashadaada. Kooxdaada IEP — oo ay ku jiraan adiga, waalidiintaada, macallimiintaada, iyo xirfadlayaasha kale ee kula shaqeeya — waxay dib u eegaan macluumaadkan si ay u go'aamiyaan haddii aad weli buuxiso shuruudaha lagu helo adeegyada waxbarashada gaarka ah.

Nebraska VR	DDD
Adeegyada Kahor U Gudbidda Shaqo, saxiixa waalid ama mas'uul sharci oo xaqiijinaya naafonimada ayaa ku filan.	DDD waxay heshaa codsigaaga waxayna dib u eegtaa dhammaan diiwaannada la soo gudbiyay.
Adeegyada VR, codsi la saxiixay iyo dukumeenti caddeynaya u-qalmitaanka ayaa loo baahan yahay.	DDD waxay codsan kartaa qiimayn dheeraad ah iyo diiwaanno.
Nebraska VR waxay haysataa 60 maalmood si ay u go'aamiso u-qalmitaanka.	DDD waxay haysataa 90 maalmood si ay u ururiso diiwaannada isla markaana go'aan uga gaarto.
Nebraska VR waxay ku ogeysiin doontaa go'aanka.	DDD waxay kugu ogeysiin doontaa go'aanka qoraal ahaan.

MA WAXAY TAHAY INAAN SUGO ADEEGUADA?

Dugsiga: Haddii aad naafo tahay oo aad u baahan tahay waxbarasho gaar ah, waxaad heli doontaa waxbarasho gaar ah, adeegyo iyo taageerooyin, iyadoo lagu saleynayo IEP-gaaga.

Nebraska VR	DDD
Marka Foomka Ogolaanshaha iyo Fasaxa Adeegyada Kahor U Gudbidda Shaqo la saxiixo, Adeegyada Kahor U Gudbidda Shaqo waa la heli karaa.	Qofka u qalma waxaa loo sameyn doonaa qiimayn si loo ogaado adeegga kharash ka dhaafida ee ugu habboon baahiyihiisa.
- Haddii qof naafada ahi u baahan yahay adeegyo gaar ah, waa inuu codsadaa, la hubiyaa inuu u qalmo, kadibna loo sameeyaa mudnaan. - Inaad u qalanto adeegyada micnaheedu ma aha in lacagta adeegyada lagu bixiyo had iyo jeer diyaar tahay.	- Dadka badankooda ee da'doodu tahay 21 ama ka yar waxaa la siinayaa adeegga loo yaqaan Adeegga taageerada qoyska. - Dadka intooda badan ee 21 sano jiro iyo waxa ka weyn, kuwaas oo dhammeystay sannadka dugsiiyeedka, waxay heli doonaan kharash ka dhaafida Maalmeedka Dadka Waaweyn ee Naafonimada Horumarineed. - Adeegga "Comprehensive DD Waiver" (kharash ka dhaafida dhameystiran ee dadka naafada ah) ayaa la heli karaa haddii qiimaynta lagu ogaado in loo baahan yahay.

MAXAA DHICI KARAA HADII AANAN U QALMIN ADEEGYADA?

Dugsiga: Haddii aad qabto naafo oo aadan mar dambe u qalmin waxbarashada gaarka ah, waxaad codsan kartaa in lagu tixgeliyo Qorshaha 504. Qorshaha 504 wuxuu loogu talagalay ardayda naafo ah oo laga yaabo inay u baahan yihiin taageerooyin yar oo fudud.

Maamuusyadaan waxay noqon karaan kuwo la mid ah kuwii aad ku heli jirtay IEP-gaaga.

Nebraska VR	DDD
Adeegyada Kahor U Gudbidda Shaqo waxaa loo heli karaa dhammaan ardayda naafada ah ee da'doodu u dhaxayso 14 ilaa 21 sano.	Haddii lagu go'aamiyo inaad u qalmin adeegyada, waxaad racfaan ka qaadan kartaa go'aankaas.
Si loo helo adeegyo VR oo si gaar ah loo habeeyey, haddii lagu go'aamiyo inaad u qalmin ama aadan sii u qalmin, waxaad racfaan ka qaadan kartaa go'aanka waxaana lagu gudbin doonaa kheyraadka bulshada.	Haddii aad haysato macluumaad cusub oo taageeraya ogaanshahaaga ama xaddidaadahaaga, waad codsan kartaa mar kale.
	Qof kasta oo u qalma IEP laguma dammaanad qaadayo inuu u qalmi doono adeegyada kharash ka dhaafida.

Tusoolooyinka:

Codso dhammaan adeegyada aad u qalmi karto.



MAXAA DHACAYA HADDII AAN GO'AANSADO INAAD KA QAYB QAADAN?

Dugsiga: Haddii aad dugsiga ka baxdo, go'aansato inaad qaadata GED, ama waalidkaagu diido waxbarashada gaarka ah, weli waad beddeli kartaa go'aankaas. Waalidkaaga wuxuu la xiriiri karaa dugsigaaga si uu u codsado waxbarasho gaar ah.

Nebraska VR	DDD
Adeegyada waa kuwo ikhtiyaari waxaana la joojin karaa wakhti kasta. Waxaa lagu taliyay in aad wadahalal la yeelato Isu-duwahaaga Adeegyada Kahor U Gudbidda Shaqo.	Waxaad mar kale codsan kartaa mustaqbalka.
Haddii aad weli buuxiso shuruudaha, waxaad mustaqbalka dib ugu bilaabi kartaa adeegyada.	Markaad mar kale codsato, DDD waxay dib u go'aamin doontaa u-qalmitaankaaga.

MAXAA DHACAAYA INTA LAGU JIRO SANAD DUGSIYEEDKA SARE?

Dugsiga: Marka aad gaarto 14 sano, macallimiintaadu waxay kaa caawinayaan inaad barato xirfadahaaga, awoodahaaga, iyo danahaaga, oo ay ku jiraan halka aad rabto inaad ka shaqeeyso (shaqo), waxa aad u baahan tahay inaad barato (tababar/kuliyad), iyo halka aad rabto inaad ku noolaato.

IEP-gaaga waxa kale oo ku jira yoolal loogu talagalay kadib marka aad dhamayso dugsiga sare. Si aad ugu diyaar garowdo yoolalkaan, IEP-gaaga wuxuu ku qori doonaa fasallada aad ku baran doonto dugsiga sare. IEP-gaaga waxa kale oo ku jira hawlo kuu fududeynaya mustaqbalka shaqada, sida: la socodka qof shaqadiisa, waayo-aragnimo shaqo, booqashada goobaha shaqo, barashada fursadaha shaqo, carwooyin shaqo/xirfadeed, iyo tababar ku saabsan diyaarinta shaqada. Marka aad barato xirfadahaaga iyo waxa aad xiisaynayso, yoolalkaaga nolosha kadib dugsiga sare way is beddeli karaan.

Haddii waalidkaagu ogolaado, hay'ado kale oo kaa caawin doona marka aad dugsiga ka baxdo waa lagu casuumi karaa kulankaaga IEP si ay kuugu taageeraan qorshaha nolosha kadib dugsiga.

Nebraska VR	DDD
Nebraska VR waxay kaashataa dugsigaaga si ay kuu siiso adeegyada kahor shaqo.	Inta aad dugsiga sare ku jirto, adeegyada kharash ka dhaafida ma beddeli karaan adeegyada laga heli karo nidaamka dugsiga.
Adeegyada waxaa loogu talagalay inay ka caawiyaan ardayda maanta, si ay u noqdaan kuwo u diyaarsan shaqooyinka iyo mustaqbalka berri. Tusaale ahaan, waxaad awoodi kartaa inaad: ◆ Aqoonsato xooggaaga, awoodahaaga, iyo kartidaada ku aaddan shaqada iyo nolosha dadka waaweyn. ◆ Dejiso yoolal ku saabsan shaqada iyo nolosha dadka waaweyn. ◆ Barato caadooyin, dabecado, iyo akhlaaq shaqo, iyo sidoo kale xirfadaha nolosha dadka waaweyn. ◆ Ka qayb gasho hawlo lagu sahamiyo shaqooyinka iyo waayo-aragnimada shaqo ee bulshada. ◆ Sahmiso fursadaha tababarka kadib dugsiga sare. ◆ Barato sida aad naftaada ugu doodi lahayd si aad u hesho taageerada aad mustaqbalka u baahan doonto.	Isu-duwidda Adeegyada: ◆ Isu-duwahaaga Adeegga (SC) wuxuu ka qayb geli karaa kulamada dugsiga si uu u barto danahaaga iyo yoolalkaaga. ◆ Isu-duwahaaga Adeegga (SC) wuxuu kula kulmi karaa adiga iyo qoyskaaga si uu u bixiyo macluumaad. ◆ Isu-duwahaaga Adeegga (SC) wuxuu kaa caawin karaa helitaanka iyo codsashada adeegyo kale. Adeegyada kharash ka dhaafida ee la heli karo iyadoo lagu saleynayo u-qalmitaanka iyo baahida: ◆ Adeegyada kharash ka dhaafida loogu talagalay dadka waayeelka ah iyo kuwa naafada ah (AD Waiver). ◆ Adeegyada kharash ka dhaafida taageerada qoyska (FSW). ◆ Kharash ka dhaafid maalmeed loogu talagalay dadka waaweyn ee naafada ah (DDAD Waiver), da'da 21 iyo wixii ka weyn. ◆ Kharash ka dhaafid dhameystiran oo loogu talagalay dadka naafada ah (CDD Waiver). ◆ Kharash ka dhaafid loogu talagalay dadka qaba dhaawac maskaxeed (TBI Waiver) Da'da 19 iyo wixii ka weyn.

MAXAA DHACAYA KOLKA AAN KA BAXO DUGSIGA?

Dugsiga: Marka aad qalinjabiso ama aad noqoto 21 sano jir, macallinkaaga ayaa ku siinaya warbixin kooban oo qoran oo sharxaysa waxqabadkaaga (SOP). Tani waa soo koobid xirfadahaaga iyo kartidaada. Waxaa ka mid ah dejinnada, tignoolajiyada, iyo xeeladaha kaa caawiya inaad gaarto yoolalkaaga shaqo, kulliyad/tababar, iyo nolol.

Nebraska VR	DDD
Marka ay habboon tahay, ka hor intaadan qalin-jabin ama ka dib dugsiga sare, waxaa laga yaabaa in lagu gudbiyo adeegyo shaqo oo gaar ah.	Maalgelinta adeegyada maalinlaha ah ayaa la heli karaa <i>ka dib markaad ka qalinjabiso dugsiga sare, hadii aad jirto 21 jir, oo aad u qalanto.</i>
Kadib codsiga iyo go'aaminta u-qalmiintaanka, adiga iyo Nebraska VR waxaad samayn doontaan Qorshaha Shaqo ee Shaqsigi ah, kaas oo lagu tixgelin doono danahaaga, qiyamkaaga, doorbidkaaga, arrimaha shaqada, tababarka, xirfadaha shaqada, taariikhda shaqada, shabakadda taageerada, iyo macluumaadka suuqa shaqada.	SC-gaaga: - Wuxuu la kulmaa adiga iyo kooxdaada si loo go'aamiyo nooca adeegyada maalmeed ee aad rabto - Kaa caawiyaa helitaanka adeegyada - Kormeeraa tayada adeegyada - Kula soo xiriiraa ugu yaraan bil kasta mar
	Adeegyada maalmeedku waxay ka mid yihiin horumarinta xirfadaha shaqo ee mustaqbalka bulshada, shaqo la taageerayo, iyo inaad si fudud bulshadaada uga mid noqoto.
	Dhammaan adeegyada waxay ka dhacaan gurigaaga ama bulshadaada. Adiga ayaa dooranaya adeegyada aad rabto inaad isticmaasho iyo sida aad u rabto in loo adeegsado.
	Adeeg kasta oo Naafonimada Horumarineed (DD) ah oo aad hore u haysatay wuu sii soconayaa. Tusaalooyinka waxaa ka mid ah adeegyada nasashada ama adeegyada guryaha.

SIDEE YOOLALKA LOO GO'AAMIYAA?

Dugsiga: Yoolalkaaga sannadlaha ah ee dugsiga waxaa lagu saleeyaa heerarkaaga hadda ee guusha waxbarasho iyo waxqabadka shaqo (PLAAPF), iyo sida naafonimadaadu u saamayso barashadaada.

IEP-gaaga waxa kale oo ka mid ah yoolal loogu talagalay kadib marka aad ka qalinjabiso dugsiga sare. Yoolalkan waa: halka aad rabto inaad ka shaqeyso, halka aad wax ku baran doonto, iyo halka aad ku noolaan doonto. Yoolalka waxaa lagu saleeyaa danahaaga, sahrinta shaqada, hawlaha sahrinta xirfadda xirfadahaaga, iyo awoodahaaga.

Waa muhiim inaad ka soo qayb gasho oo aad ka hadasho kulankaaga IEP. Adiga iyo kooxdaada IEP ayaa go'aansataan yoolalkaaga. Waa muhiim in adiga, dugsigaaga, Nebraska VR, iyo DHHS-DD aad wadaagtaan macluumaadka ku saabsan yoolalkaaga.

Nebraska VR	DDD
Doorasho Wacyigelin Leh waa iskaashi u dhexeeya Nebraska VR iyo qofka, kaas oo sahrinta fursadaha lagu sameeyo marxalad kasta oo ka mid ah qorshaynta iyo hirgelinta adeegyada qofka.	Marka aad u dhexeyso 21 sano jir iyo da'da hawlgabka, adeegyada maalinta waxa ugu muhiimsan waxay noqon doonaan shaqada.
	Yoolalkaaga waxaa lagu saleeyaa waxa adiga muhiim kuu ah. - Waxa ugu weyn ee la eegayo waa rajadaada iyo riyoyinka aad leedahay. - Adiga iyo kooxdaada waxaad la kulantaan Isu-duwaha Adeegga si loo sameeyo yoolal. - Marka xirfadahaaga la qiimeeyo, waxaa la ogaanayaa waxa aad u baahan tahay si aad u gaarto yoolalkaaga.

Tusoolooyinka:

Waxaa lagu taliyay in dhammaan ardayda naafada ah iyo dhaliinyarada ay sahamiyaan adeegyada Nebraska VR.



SIDEE AYAAN U QORSHEEYAA ADEEGYADAYDA?

Dugsi: Adiga iyo kooxdaada IEP (macallimiinta, maamulaha, waalidiinta, iyo kuwa kale) ayaad go'aansataan adeegyada waxbarashada gaarka ah, dejinnada, tignoolajiyada kaalmada, iyo hawlaha kaa caawin doona inaad gaarto yoolalkaaga. Inta lagu jiro sanadka, waxaad u shaqaysaa si aad u gaarto yoolalkaaga, waxaadna dhamaystirtaa hawlaha ku jira IEP-gaaga.

Sannad kasta, adiga iyo kooxdaada IEP waxaad u kulantaan si aad uga wada hadashaan horumarka aad ku gaadhay yoolalkaaga, xirfadahaaga, awoodahaaga, iyo waxyaabaha ku fududeeya barashada. Sannad kasta, IEP cusub ayaa la qoraa. Waxbarashada iyo taageerada gaarka ah ee aad hesho waxay ku xiran yihiin qorshahaaga IEP.

Nebraska VR	DDD
Qorshaha shaqada ee IPE wuxuu sharxayaa adeegyada aad u baahan tahay si aad shaqo u gaarto iyo qofka ama hay'adda ku siin doonta adeegyadaas.	Adiga iyo kooxdaada waxaad diyaarisaan qorshe shaqsi-ku-salaysan. Qorshahaaga qoran wuxuu qeexayaa adeegyada aad heli doonto iyo cidda bixin doonta.
Shaqaalaha Nebraska VR waxay u shaqeeyaan sidii koox si ay u bixiyaan adeegyo kaa caawinaya gaarista yoolalkaaga shaqo.	Kooxdaada ayaa kobcinaya qorshahaaga. Kooxdan waxaa ka mid ah adiga, qoyskaaga, ilaaliyahaaga (haddii aad mid leedahay), bixiyayaasha kharash-ka-dhaafidda, iyo dadka kale ee aad casuunto. Isu-duwahaaga Adeegga wuxuu dukumeentiyeeyaa qorshahaaga.
	Waxaa lagu magacaabi doonaa SC (Isu-duwaha Adeegga) oo hogaamin doona kooxdaada kana shaqeen doona danahaaga.

Tusoolooyinka:

- Si aad u hesho adeegyada kharash laga dhaafay ee DDD, waa inaad haysataa Medicaid.
- Nebraska VR shardi kama dhigto in qofku iska diiwaangeliyo Medicaid ama Social Security.



WAA MAXAY WAXA KALE EE AY TAHAY INAAN CODSADO?

Lambarka Bulshada

Waa inaad codsataa Ceymiska Bulshada. Waxaa laga yaabaa inaad u qalanto Ceymiska Bulshada, Dakhliga Dheeraadka ah ee Ceymiska Bulshada, iyo/ama Caymiska Naafnimada ee Ceymiska Bulshada. Si aad wax badan uga ogaato, booqo xafiiskaaga deegaanka ee Social Security ama www.ssa.gov/disabilityssi.

Marka SSA ay go'aamiso inaad qabto naafo, Nebraska Medicaid waxay adeegsan doontaa isla go'aankaas.

Waa inaad codsatid Lambarka Bulshada markaad 18 jir tahay.

Medicaid

DDD waxay kugu waajibisaa inaad codsato faa'iidooyinka Medicaid oo aad aqbasho haddii aad u qalanto. Medicaid waxay bixisaa maalgelin federaal ah oo la jaanqaadaysa maalgelinta gobolka, si DDD ay ugu maalgeliso adeegyo dad badan. Waa inaad codsataa Medicaid marka aad gaarto 18 sano jir. Waxaad ka codsan kartaa adigoo adeegsanaya [iServe ee: iServe.nebraska.gov](http://iServe.nebraska.gov)

Kaalmada Dhaqaale

Waxaa suuragal ah inaad hesho caawimaad dhaqaale oo ka socota DHHS – Waaxda Carruurta iyo Qoysaska.

Barnaamijyada Adeegyada Carruurta & Qoysaska (CFS), sida

- ◆ Kaalmada Waayeelka, Indhoolayaasha, ama Naafada (AABD)
- ◆ Dheeraadka Ceymiska Bulshada
- ◆ Barnaamijka Dheeraadka Nafaqada Cuntada (SNAP)
- ◆ Kaalmada Tamarta
- ◆ Waxaad ka codsan kartaa adigoo adeegsanaya [iServe ee: iServe.nebraska.gov](http://iServe.nebraska.gov)

Kheyraad Kale

Waxaa laga yaabaa inaad u qalanto:

- ◆ Kaalmo guryo oo maxalli ah
- ◆ Bangiyada cuntada ama shabakadaha cuntada
- ◆ Qorshaha Keydinta Enable <https://www.enablesavings.com/>
- ◆ Qorshaynta iyo Kaalmada Dhiirrigelinta Shaqada ee Easter [Seals https://www.easterseals.com/ne/our-programs/employment-training/wipa.html](https://www.easterseals.com/ne/our-programs/employment-training/wipa.html)
- ◆ Xarunta Tababarka iyo Macluumaadka Waalidka (PTI Nebraska) <https://www.pti-nebraska.org/>

Macluumaadka waxaa laga heli karaa Nebraska 2-1-1, ee United Way of the Midlands. Haddii aad rabto caawimaad, ka wac "211" taleefan kasta ama ka booqo onleen www.unitedwaymidlands.org/wac211.

Lambarka Tooska ah ee Adeegyada Naafada: <https://cap.nebraska.gov/>

XIRIIRADA HAY'ADDA

Nebraska VR (Dib-u-Habaynta Shaqada / Tababarka Shaqada)



Nebraska VR Waaxda Waxbarashada

P.O. Box 94987

Lincoln, NE 68509

402-471-3644

877-637-3422 (lambarka wicitaanka bilaashka ah)

402-471-0788 (fakis)

marketingteam.vr@nebraska.gov

DHHS – Waaxda Naafonimada Horumarineed (DDD)



Waaxda Caafimaadka iyo Adeegyada Aadanaha

**(DHHS), qaybta ka shaqeysa naafonimada
horumarineed (DDD),**

301 Centennial Mall Koonfur

P.O. Box 98947

Lincoln, NE 68509-8947

(877) 667-6266

(402) 471-8792 (fakis ahaan)

dhhs.DDDCommunityBasedServices@nebraska.gov

Waxaa faafisay:

Waaxda Caafimaadka iyo Adeegyada Aadanaha ee Qaybta

Naafada Kobaca

P.O. Box 98947

Lincoln, NE 68509-8947